

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 412555 21 St
Tuzla, 13.04.2022.godine

Općinski sud u Tuzli, sudija Antonela Đaković, kao stečajni sudija, u stečajnom postupku nad imovinom dužnika **„DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Izeta Sarajlića do broja 32**, koje u svom sastavu ima poslovne jedinice i to: 1. „DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Poslovna jedinica Živinice, Gornje Dubrave bb, 2. „DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Poslovna jedinica Brod, Krajiških brigada bb, i 3. „DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Poslovna jedinica Tešanj Kreševo bb, Tešanjka, dana 13.04.2022.godine donio je sljedeće:

RJEŠENJE

I-OTVARA SE stečajni postupak nad imovinom dužnika **„DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Izeta Sarajlića do broja 32**, koje u svom sastavu ima poslovne jedinice i to: 1. „DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Poslovna jedinica Živinice, Gornje Dubrave bb, 2. „DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Poslovna jedinica Brod, Krajiških brigada bb, i 3. „DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Poslovna jedinica Tešanj Kreševo bb, Tešanjka. MBS: 1-8812, JIB:420934506007, broj glavnog računa:1321000309096231 otvoren kod NLB Banka d.d. Sarajevo.

II-Stečajni postupak se otvara sa danom 13.04.2022.godine u 09:00 sati, kada se rješenje o otvaranju stečajnog postupka ističe na oglasnoj tabli suda. Oglas o otvaranju stečajnog postupka objavit će se u „Službenim novinama F BiH“.

III-Za stečajnog upravnika imenuje se Senad Uzunić iz Tuzle, ul. Izeta Sarajlića 5 C.

IV-Pozivaju se povjerioci da u roku od 30 (trideset) dana, od dana objavljivanja oglasa o otvaranju stečajnog postupka u „Službenim novinama F BiH“ prijave svoja potraživanja stečajnom sudu dostavom prijave i priloga u dva primjerka u skladu sa odredbama Zakona o stečajnom postupku o prijavi potraživanja (član 110. Zakona), te prilože dokaz o uplaćenju sudskoj taksi na prijavu potraživanja u iznosu od 1% od vrijednosti potraživanja, s tim da taksa ne može biti manja od 50,00 KM, niti veća od 10.000,00 KM, na žiro račun broj 1321000256000080, vrsta prihoda 722221, primalac Budžet Tuzlanskog kantona.

V-Pozivaju se povjerioci da u roku od 30 (trideset) dana, od dana objavljivanja oglasa o otvaranju stečajnog postupka u „Službenim novinama F BiH“ stečajnog upravnika obavijeste koja prava osiguranja potražuju na predmetima imovine stečajnog dužnika. Potrebno je navesti predmet na kome se potražuje pravo osiguranja, vrstu i razlog nastanka prava osiguranja kao i osigurano potraživanje.

VI-Pozivaju se lica koja imaju obaveze prema stečajnom dužniku da ih bez odlaganja izvrše.

VII-Otvaranje stečajnog postupka ima se upisati u sudski registar Općinskog suda u Tuzli, Zemljišno-knjižnom uredu Općinskog suda u Tuzli i Službi za geodetske i imovinsko-pravne poslove Grada Tuzla.

VIII- Ročište za ispitivanje (ispitno ročište) na kojem će se ispitati prijavljena potraživanja povjerilaca zakazuje se za dan ČETVRTAK **09.06.2022.godine, u 09:00 sati**, u zgradi Općinskog suda u Tuzli, ulica ZAVNOBiH-a bb, **sudnica S1 prizemlje**.

IX-Skupština povjerilaca (izvještajno ročište) na kome će se na osnovu izvještaja stečajnog upravnika odlučiti o daljem toku stečajnog postupka **održat će se na istom mjestu nakon ročišta za ispitivanje prijava potraživanja**.

X-Rješenje o otvaranju stečajnog postupka u cijelosti objavit će se na oglasnoj tabli suda, web-stranici suda – elektronskoj tabli suda, na internet stranici FIA-e, a u „Službenim novinama F BiH“ objavit će se samo izreka rješenja.

O b r a z l o ž e n j e

Dana 04.11.2021.godine, predlagač „DENI-ŠPED“ d.o.o.Tuzla, putem zastupnika-direktora društva, podnio prijedlog za otvaranje stečajnog postupka nad navedenim privrednim društvom koji u svom sastavu ima i poslovnice iz razloga platežne nesposobnosti i nemogućnosti izvršavanja dospjelih i potraživanih obaveza. Nakon razmatranja prijedloga sud je rješenjem od 24.01.2021.godine pokrenuo prethodni postupak radi utvrđivanja uslova za otvaranje stečajnog postupka i imenovao privremenog stečajnog upravnika na osnovu odredbe člana 61. i 63. Zakona o stečaju („Službene novine F BiH“, broj 53/21).

Privremeni stečajni upravnik je u spis suda dostavio Izvještaj o provedenom prethodnom postupku sa nalazom i mišljenjem na okolnosti postojanja razloga za otvaranje stečajnog postupka. Na osnovu odredbe člana 102. stav 1. i 2. Zakona o stečaju („Službene novine F BiH“, broj 53/21) zakazano je ročište radi ispitivanja uslova za otvaranje stečajnog postupka i razmatranja izvještaja privremenog stečajnog upravnika, na kojem je saslušan privremeni stečajni upravnik i zakonski zastupnik predlagača.

Iz izvještaja privremenog stečajnog upravnika proizilazi da je privredno društvo „DENI-ŠPED“ d.o.o. Tuzla osnovano u 1997.godine, da je djelatnost istog pružanje usluga prevoza u domaćem i međunarodnom transportu i špeditorske usluge,, a osnivač i direktor društva je Kadrija Ilić iz Tuzle. Društvo ima registrovane poslovnice u Živinicama, Brodu i Tešnju. Prema Izjavi zakonskog zastupnika Kadrije Ilić iz Tuzle ,društvo od druge polovine 2017.godine ne ostvaruje prihode, a račun društva je blokiran 26.06.2017.godine od strane Nove Banke a.d. Banja Luka. Stečajni upravnik je utvrdio da se protiv društva vodi više sudskih postupaka. Također, je utvrdio da društvo ne obavlja poslovnu djelatnost jer su transakcijski računi blokirani, nema zaposlenika. Društvo ima nepokretnu imovinu koja je okarakterisana kao pašnjaci, njive i šume, a radi se o preko 100 dunuma (105.000 m2) koje pripadaju katastarskim općinama Dokanj, Breške u Gradu Tuzla.), te od građevinskih objekata stečajni dužnik ima jednu nedovršenu stambenu kuću, a sva pokretna imovina je prodana u 2016. i 2017.godine. Društvo ima velike obaveze prema bankama po osnovu kredita i državnim organima po osnovu indirektnih i direktnih poreza, te prema dobavljačima. Nadalje, stečajni upravnik je naveo da društvo nema platežnu sposobnost, budući da ne izmiruje svoje obaveze u dužem vremenskom trajanju od 60 dana, računi istog su u blokadi, te nije u stanju izvršiti svoje dospjele obaveze plaćanja, zbog čega su po mišljenju privremenog stečajnog upravnika

ispunjeni stečajni uslovi za otvaranje stečajnog postupka u smislu odredbe člana 6. a u vezi sa članom 102. stav 6. Zakon o stečaju („Sl.novine F BiH“, br.53/2021). Privremeni stečajni upravitelj je također izjavio da je potrebno uplatiti i dodatna sredstva za finansiranje troškova stečajnog postupka do održavanja skupštine povjerilaca i eventualnog unovčavanja imovine (a koji se odnose na: vođenje knjigovodstva, naknade za rad, takse, oglase, čuvanje imovine, procjenu vrijednosti imovine i sl.).

Sud je rješenjem, broj gornji, od 29.03.2022.godine pozvao predlagača, da u roku od 15 dana od dana održavanja ročišta predumi dodatni iznos od 3.500,00 KM na ime troškova stečajnog postupka, uplatom na depozitni račun suda, uz upozorenje o posljedicama u slučaju ne postupanja po nalogu suda datom u rješenju. Dana 10.01.2022.godine sud je zaprimio dokaz o uplati preduma za otvaranje stečajnog postupka u iznosu od 5.000,00 KM, a dana 08.04.2022.godine dokaz o uplati dodatnog iznosa od 3.500,00 KM koja uplata je izvršena od strane Ilić Kadrije iz Tuzle.

Na osnovu izvedenih dokaza tokom postupka utvrđeno je da je prijedlog za pokretanje stečajnog postupka dopušten, zbog nesolventnosti i nelikvidnosti dužnika postoji stečajni razlog, pa shodno navedenom, sud smatra da su kumulativno ispunjeni uslovi za otvaranje stečajnog postupka nad imovinom dužnika.

Sud je shodno odredbi člana 102. stav 9. a u vezi sa članom 6. Zakona o stečaju („Službene novine F BiH“ broj 53/21), odlučio kao u izreci rješenja.

Odluku o imenovanju stečajnog upravitelja, sud je donio shodno odredbi člana 104. stav 1. Zakona o stečaju („Službene novine F BiH“ broj 53/21), a nakon što je utvrdio da isti ispunjava uslove utvrđene odredbom člana 71. istog zakona.

Sud je, odluku o određivanju ročišta za ispitivanje prijavljenih potraživanja i izvještajnog ročišta, donio na osnovu člana 106. Zakona o stečaju („Službene novine F BiH“ broj 53/21).

Odluku o objavljivanju otvaranja stečajnog postupka, sud je donio shodno odredbi člana 107. stav 1. Zakona o stečaju („Službene novine F BiH“ broj 53/21).

Na osnovu odredbe člana 105. Zakona o stečaju („Službene novine F BiH“ broj 53/21), sud je uputio odgovarajuće pozive povjeriocima i dužnicima stečajnog dužnika.

Upis otvaranja stečajnog postupka u javne registre određen je na osnovu odredbe člana 108. Zakona o stečaju („Službene novine F BiH“ broj 53/21).

***Stečajni sudija
Antonela Đaković***

POUKA O PRAVNOM LIJEKU:

Protiv ovog rješenja žalbu može izjaviti stečajni dužnik. Žalba se podnosi Kantonalnom sudu u Tuzli, putem ovog suda u tri primjerka u roku od 8 dana po proteku pet radnih dana od dana objave rješenja u Službenim novinama F BiH. Žalba iz prethodnog stava ne odlaže izvršenje rješenja.